

ორი დღე

თქმულა, რომ ქვეყნად ორი დღე არი,
ვით სახსოვარი და იადგარი:
"დღე-მოგონებად უკვე ქცეული
და მეორე დღე-ჯერ არ დამდგარი" .

მე შენით ვზომავე სიცოცხლის სიბრძნეს,
შენზე მენიშნა ძველი თქმულება;
თუ განშორება დღეს შენი ვიგრძენ,
შენთან შე ხვედრის დღევ მეგულება.

ვფიცავ შენ თავსა, ვიცი, დადგება
ის დღე ლამაზი, ის დღე ბრწყინვალე
და ერთი შენი სხივით გადნება,
რასაც დღეს გულზე მაწყო მყინვარებს.